



## Fundargerð

**Stjórn VJB - 125. fundur stjórnar VJB haldinn Fjarfundur,  
10. desember 2018, kl. 11:00.**

### Fundinn sátu:

Guðrún Áslaug Jónsdóttir formaður, Björn Ingi Jónsson aðalmaður, Óli Halldórsson aðalmaður, Eyrún Arnardóttir aðalmaður, Heiða Guðný Ásgeirsdóttir aðalmaður, Matthildur Þorsteinsdóttir fulltrúi ferðapjónustunnar, Snorri Ingimarsson fulltrúi útivistarfélaga, Sævar Þór Halldórsson fulltrúi náttúruverndarsamtaka, Magnús Guðmundsson framkvæmdastjóri, Ingibjörg Smáradóttir embættismaður og .

### Fundargerð ritaði: Björn Ingi Jónsson, stjórnarmaður.

Ingibjörg Smáradóttir nýr starfsmaður Vatnajökulsþjóðgarðs sat fund stjórnar. Stjórn býður Ingibjörgu velkomna til starfa.

#### 1. Svæðisráð suðursvæðis - 63 - 1811002F

Formaður svæðisráðs fór yfir fundinn.

*Formaður fór yfir fundargerð og gerði að umtalsefni vinnu við deiliskipulagið við Jökulsárlón. Einnig rætt um vinnu við gerð stjórnunar- og verndaráætlun á Breiðamerkursandi.*

#### 2. Jökulsárlón-Umsókn um heimild til uppbyggingu - 1810005

Erindi frá Jökulsárlón Ferðapjónusta ehf ódagsett. Ósk um heimild til að bæta aðstöðu fyrir ferðamenn og starfsfólk félagsins. Óskað er eftir heimild til að setja niður einingar aftan við núverandi skála sem bæta myndi aðstöðu starfsmanna og veitingasölu. Einnig er óskað eftir heimild til að setja glerhýsi á framhlið skála.

Málið var tekið fyrir á fundi svæðisráðs nr. 63 og meðal annars eftirfarandi bókað Svæðisráð telur mjög mikilvægt að bæta ásýnd og upplifun ferðamanna við Jökulsárlón. Svæðisráð leggur til að farið verði í viðræður við forsvarsmenn félagsins um möguleika á heilstæðum úrbótum á svæðinu þar til uppbygging í samræmi við nýtt deiliskipulag getur hafist.

*Farið yfir stöðuna við Jökulsárlón og mikilvægi þess að hægt verði að bæta ásýnd og aðbúnað á svæðinu. Stjórn felur framkvæmdastjóra og þjóðgarðsverði á Suðursvæði að fara í viðræður við forsvarsmenn félagsins um möguleika á heilstæðum úrbótum á svæðinu þar til uppbygging í samræmi við nýtt deiliskipulag getur hafist.*

#### 3. Jökulsárlón-Umsókn um leyfi til siglinga - 1811012

Erindi frá Arctic Adventures dagsett 16. nóvember 2018. Sótt er um leyfi til siglinga með farþega á umhverfisvænum rafmagnsbát á Jökulsárlóni sumarið 2019. Erindið var tekið fyrir á fund svæðisráðs nr. 63 og eftirfarandi bókað Í ljósi fyrri umfjöllunar svæðisráðs um aukna afþreyingarstarfsemi við Jökulsárlón og á meðan að stjórnunar- og verndaráætlun og skipulag fyrir svæðið liggur ekki fyrir, getur svæðisráð ekki mælt með útgáfu leyfis.

*Farið yfir málið og forsendur umsóknar.*

*Stjórn tekur undir tillögu svæðisráðs og getur ekki orðið við óskum um útgáfu leyfis.*

#### **4. Umsókn um samning vegna starfsemi innan þjóðgarðs - 1811009**

Erindi Adventure Point ehf. ódagsett. Óskað er eftir að gera samning vegna starfsemi innan þjóðgarðs.

Erindið tekið fyrir á fundi svæðisráðs nr.63 og meðal annars eftirfarandi bókað Svæðisráð vísar í bókun stjórnar Vatnajökulsþjóðgarðs frá fundi hennar nr. 122.

*Stjórn vill upplýsa að dregist hefur að setja reglugerð um atvinnustefnu og hvernig skuli staðið að framkvæmd málsins og því ekki verið hægt að afgreiða umsóknir um starfsleyfi. Unnið er að úrlausn málsins, en strax og áður nefnd reglugerð verður gefin út af Umhverfis- og auðlindaráðuneytinu mun Vatnajökulsþjóðgarður kappkosta að vinna svo hratt sem unnt er að afgreiða málið.*

#### **5. Breiðárlón-Umsókn um kayaksiglingar - 1811008**

Erindi Adventure Point ehf. ódagsett. Óskað er eftir leyfi til að stilla upp þjónustu sem felst í að fara með litla hópa, 2 til 8, í kayak siglingu um Breiðalón. Erindið var tekið fyrir á fundi svæðisráðs nr. 63 og eftirfarandi bókað. Í ljósi þess að stjórnunar- og verndaráætlun fyrir Breiðamerkursand er ekki fyrir hendi sem og atvinnustefna fyrir þjóðgarðinn mælir svæðisráð ekki með veitingu leyfis til kayakferða á Breiðárlóni.

*Farið yfir málið og aðstæður á svæðinu.*

*Stjórn tekur undir tillögu svæðisráðs og getur ekki orðið við óskum um útgáfu leyfis.*

#### **6. Esjufjöll-Umsókn um gerð salernisaðstöðu - 1811006**

Erindi Jöklarannsóknafélags Íslands dagsett október 2018. Ósk um að koma fyrir salernishúsi við skála félagsins í Esjufjöllum. Í umsókninni kemur fram að byggt verður við núverandi skála um tveggja fermetra salernishús allur úrgangur frá salerni verður fluttur til byggða. Erindið var tekið fyrir á fundi svæðisráðs nr. 63 og eftirfarandi bókað. Svæðisráð mælir með að Jöklarannsóknarfélagi Íslands verði heimilt að setja upp þurrsalerni við skálann í Esjufjöllum en leggur jafnframt áherslu á náttúruverndargildi svæðisins.

*Farið yfir málið og stjórn tekur undir bókun svæðisráðs og heimilar að sett verði upp salerni við skálann í samræmi við umsókn. Stjórn felur framkvæmdastjóra og þjóðgarðsverði að gera samning við Jöklarannsóknarfélagið um nánari útfærslu og umhirðu.*

#### **7. Skaftafell-Umsókn um samning um aðstöðu - 1810006**

Erindi Trölllaferða ehf. ódagsett. Umsókn um aðstöðu í Skaftafelli. Málið var tekið fyrir í svæðisráði á fundi nr. 63 og eftirfarandi bókað. Umsóknina þarf að skoða í samhengi við aðstöðu annarra fyrirtækja á svæðinu. Svæðisráð mælist til þess að samningar verði gerðir til tveggja ára um starfsaðstöðu við þau fyrirtæki sem hafa verið inni í Skaftafelli. Til að gæta jafnræðis verði möguleiki á að heimila aðstöðu fyrir fleiri fyrirtæki. Í ljósi núverandi deiliskipulags og fyrirkomulags á bílastæði í Skaftafelli er ljóst að færa þurfi núverandi móttökuhús fyrir 1. maí 2019. Nýja staðsetningu skal ákveða í samráði við þjóðgarðsvörð. Svæðisráð leggur enn fremur til að starfsmannabúðir fyrirtækja sem eru með aðstöðu innan þjóðgarðs verði eingöngu leyfðar út árið 2019. Heimilt verði að nýta núverandi húsnæði til loka árs 2019 og síðan verði húsnæði fjarlæggt. Skýlaus krafa skal vera um að húsnæði uppfylli lögmæt skilyrði um starfsmannahúsnæði. Allur kostnaður við rekstur og viðhald starfsmannahúsnæðis er leigutaka. Svæðisráðs telur líka nauðsynlegt að sanngjörn leiga verði greidd fyrir aðstöðu í Skaftafelli. Hér er eingöngu um samning til tveggja ára að ræða með engum loforðum um framlengingu. Málinu vísað til stjórnar Vatnajökulsþjóðgarðs til endanlegrar ákvörðunar.

*Farið yfir málið og sögu fyrirtækja í Skaftafelli. Í umræðunni kom fram að hugsanlega er að opnast á aðra möguleika á aðstöðu en í Skaftafelli. Áhugavert er að sjá hvernig þau mál þróast á næstu misserum. Stjórn tekur undir þau sjónarmið og framvindu sem fram kemur í bókun svæðisráðs. Stjórn felur framkvæmdastjóra og þjóðgarðsverði að fylgja málinu eftir.*

## 8. Skaftafell-Umsókn um rekstur matarvagns - 1811011

Erindi frá Jökklavögnum ehf tölvupóstur dagsettur 29. október. Sótt er um leyfi til áframhaldandi reksturs matarvagns í Skaftafelli. Erindið var tekið fyrir í svæðisráði fundi nr. 63. Í samræmi við afgreiðslu fyrra liðs varðandi Skaftafell, leggur svæðisráð til að gerður verður samningur til tveggja ára. Hér er eingöngu um samning til tveggja ára að ræða með engum loforðum um framlengingu.

*Farið yfir málið og stjórn tekur undir bókun svæðisráðs og heimilar að gerður verði samningur til tveggja ára við umsækjanda.*

*Stjórn felur framkvæmdastjóra og þjóðgarðsverði að fylgja málinu eftir.*

## 9. Ársreikningar 2017 - 1808007

Ársreikningur Vatnajökulsþjóðgarðs fyrir árið 2017 lagður fram. Ríkisendurskoðun er enn að vinna að enduskoðun á stofnuninni og niðurstöðu þeirrar vinnu að vænta á næstu mánuðum.

*Framkvæmdastjóri fór yfir ársreikning 2017. Ársreikningur er útgefinn af Fjársýslu ríkisins en Ríkisendurskoðun hefur ekki lokið vinnu við úttekt á rekstri þjóðgarðsins. Ársreikningur verður gefinn út með ársskýrslu Vatnajökulsþjóðgarðs á rafrænu formi.*

## 10. Gjaldtaka - Kvörtun SAF til umboðsmans Alþingis - 1805001

Erindi frá Umboðsmanni Alþingis dagsett 28. nóvember 2018. Tilkynning um lok á máli Samtaka ferðaþjónustunnar vegna gjaldtöku í Skaftafelli. Umboðsmaður Alþingis gerir í álitinu enga athugasemd við framkvæmd á innheimtu svæðisgjalda í Skaftafelli.

*Framkvæmdastjóri fór yfir ferli málsins og niðurstöðu. Stjórn fagnar að fyrir liggji niðurstaða í þessu máli og öll málsmeðferð þjóðgarðsins er fullnægjandi.*

## 11. Atvinnustefna - 1709017

Framkvæmdastjóri fór yfir stöðu og framvindu vinnunnar.

*Stjórn fagnar því samstarfi og þeirri verkáætlun sem kynnt er af framkvæmdastjóra. Stjórn samþykkir framlagða verkáætlun en leggur mikla áherslu á að vinnu við atvinnustefnu verði hraðað sem kostur er. Einnig er mjög mikilvægt að vanda vel til undibúnings og kynningar á atvinnustefnunni.*

## 12. Skýrsla framkvæmdastjóra - 1808006

Framkvæmdastjóri fer yfir verkefni og málefni frá síðasta fundi stjórnar.

Fundi slitið kl. 13:00.